

宋
西
事
案

緝宗西事案列

詢士居海濱於天下事憎
如也而獨有戀榮顧卯
之念自奴酋狂逞宇內鼎
沸閉之道路言日異而予
日危夫天下亂則無安

國一國亂則無安家士不
能忘古政不能忘國藿食
無謀慮焉如焚矣顧自念
歸耕以來不似儒士之言
天下事即王天小予而拾
人殘瀋未食數行字而今

人輒思嘔者士不為也又不
然而談天說劍高步濶目
纓之云按此繫風而害乃
滋甚士不欲也士生平獨
喜觀史以玉宗寶元年潤
曹寶臣之至驗而校焉程

重封豕長蛇薦食上國
天子不得怡寧相不暇食
百官不能休沐於私第中
書置議子之廳四路樹旌
昭之潤方是時也以呂許公
輩之調鼎鑄以常鄭公輩

之秉樞以韓魏以范文正
之壯猷嚴塞以龐藉王堯
臣之體量安撫神仲實之材
當八面秋塞武之勇冠一
時此皆宇宙間第一之所鍾
哥略兼人真極一時之選

然而智勇俱竭中外殫耗
僅得固吾圉以禦戎馬之
蹂躪止矣豈馭夷之難古
今一體乎說者輒控主宗人
之弱夫宗人之弱未易造
也自西夏用兵以來狄

有保安之捷許懷德有永
平之捷任福有白豹懷之
捷周美有金明之捷王珪
有三川之捷張亢有麟州
之捷卽定川之敗以寡敵
衆如水川之敗莊進墮樸

然猶皆賈解勇以自奮雖
死猶有生乎也惟寧州之
潰望敵而索令人飲恨當
此如張方平者已謂其師
惟不出則喪敗寇惟不來
則傷殘矣倘見兩兵

未接而萬衆立潰一矢不
加而堅城倏摧方平兄之
又當何如哉士故起以道終
慶曆十五六年間凡以制禦
西夏者採之正史合以記
傳附以奏議而總識之曰

宋西事案試觀前子亦
宋敗得失之林已今
天子龍飛幸酉之喜海濱
詢士湯淺

宋西事案目

卷上

元昊西平之封

華人張元昊之投叛

唃廝囉河湟之戰

元昊分衛統兵規制

元昊僭帝始末

議削元昊官爵

劉平石元孫之敗

韓琦表章郭遵

仁宗不減兵吏祿賜

韓琦薦仲淹知永興軍

劉渙請使喃氏

吳育通西域之議

狄青保安之捷

詔添河北各路弓箭手

王吉倉卒遇虜之捷

范雍李士彬之處降夷

張方平平戎十策

范仲淹防禦延州事宜

任福白豹城之捷

种世衡城清澗并知環州始末

仲淹奏城永平諸寨

史吉力守永平城寨

紙甲之製

王堯臣安撫陝西

韓范攻守之議

任福好水川之戰

韓魏公定出師臨敵之法

招集吐番熟戶

周美城金明之議

范仲淹議罷行營之號

范仲淹答書之議

張亢築建寧等堡

軍興用度之議

夏竦陳執中之罷

分秦鳳涇原等四路經略

范仲淹請寬高延德之窠

韓琦奏增土兵

又處置屬羌事宜

義勇保捷之刺

葛懷敏之潰

吳育議論元昊以謝契丹

劉滂議城永洛吉砦二城

夏竦歸石元孫

元昊之敗契丹

元昊之亡

宋西事案卷之一

海濱詢士漫輯

元昊西平之封

仁宗天聖六年五月，趙德明使其子元昊襲回鶻甘州，取之。元昊小字嵬理，性雄毅，多大略，善繪畫，圓面高準，曉浮圖學，通番漢文字。德明雖臣事中國及契丹，然自帝其國。至是以元昊襲破回鶻，奪甘州，遂立爲皇太子。明道元年十一月，德明卒，遣使立其子元昊爲西平王。初，元昊

起于便失一著

數諫其父勿臣宋。德明輒戒之曰：「吾用兵久疲矣。吾族三十年衣錦綺，此宋恩也，不可負。」元昊曰：「事畜牧，衣皮毛，蕃性所便。英雄之生，當帝王耳。何錦綺爲？」既襲封，明號令以兵法勒諸部。凡六日九日，則見官屬倣中國，置文武班，立番漢學。自中書令宰相樞密使以下，分命番漢人爲之。以衣冠采色，別士庶貴賤。每舉兵，必率部長與獵。有獲，則下馬環坐而飲，割鮮而食。各問所見，擇取其長。因避父諱，改明道爲顯道，稱於國。

華日報于國中已見點房目中無宋

中○先是王醜使河北過真定時曹瑋爲總管
醜見之瑋謂曰君異日當柄用願畱意邊防醜
曰何以教之瑋曰吾聞德明常使人以馬權易
漢物不如意欲殺之其少子元昊年方十餘諫
曰我○戎○人○從○事○鞍○馬○而○以○資○鄰○國○易○不○急○之○物○十○歲○胡○無○能○解○作○此○語○便○是○不○凡○
已○爲○非○策○又○從○而○殺○之○失○衆○心○矣○德○明○聽○之○吾
嘗使人覘元昊狀貌異常他日必爲邊患醜未
以爲然比再入樞密元昊果反帝數問邊事醜
不能對及劉平敗議刺鄉兵久未決帝怒遂與

陳執中等同罷黜始歎瑋之朗識

夏虜無求於宋而西平之封何其取輕於夷狄也。擅易年號稱於國中。僭端萌矣。宋之失着於是焉。始○瑋之先見固遠然終不及一處法何耶。

華人張元昊昊之投叛

景祐元年秋七月慶州柔遠寨番部巡檢崑通攻元昊後橋諸堡破之元昊遂寇慶州緣邊都巡檢楊遵與戰敗績環慶都監齊宗舉援之次

節義峰、伏發被執、旣而放還、下詔約束之。元昊雖常奉貢、然車服僭擬、改元開運、或言石晉敗亡之號也。更曰廣運。初華州有二生張昊者、俱困塲屋、薄游不得志、聞元昊有意窺中國、遂叛往以策干之。元昊大悅、日尊寵用事。凡夏人立國規模、入寇方略、多二人教之。○華州人張元昊、昊與姚嗣宗皆負氣倜儻、有縱橫才、相與友善。嘗薄遊塞上、觀視山川風俗、有經略西鄙意。姚題詩崆峒山寺壁、在兩界間云、南粵干戈未

息肩、五原金鼓又轟天、崆峒山叟笑無語、飽聽松聲春晝眠、范仲淹巡邊見之大驚、又有踏破賀蘭石、掃清西海塵之句、張爲鸚鵡詩卒章曰、好着金籠收拾取、莫教飛去別人家、吳亦有詩、將謁韓范二帥、恥自屈、不肯往、乃磨大石刻詩其上、韓人使壯夫拽之於通衢、韓人三人從而哭之、欲以鼓動二帥、旣而果召與相見、躊躇未用、問張吳徑走西夏、公以急騎追之不及、乃表姚入幕府、張吳旣至夏國、夏人倚爲謀主、以抗朝廷、連兵

十餘年，西方至爲瘦敝。時二人家屬羈縻隨州。又奇何舉國在其坑弄中乎如此異人解得失眼宋事可知聞使牒者，矯中國詔釋之人，未有知者。後乃聞西人臨境作樂迎此二家而去。自此邊帥始待士矣。姚又有述懷詩曰：大開雙白眼，只見一青天。張更有雪詩曰：五丁仗劍決雲霓，直取銀河下帝畿。戰死玉龍三十萬，敗鱗風捲滿天飛。卽此數聯，可想見其氣魄矣。先是二人之投吳也，自念不出奇，無以動其聽，乃更其名入夏國都門。遇酒家，則終日劇飲，輒引筆書壁曰：張元

吳昊來飲此。邏者執之。元昊責以入國問諱之。義二人。大言曰。姓尚不理會。乃理會名耶。皆昊尚仍賜姓。遂諫然異之。日尊寵用事。

人才苦不相遠。顧用之何如。張昊能展其才。略於西夏。而姚嗣宗不能堅尺寸于中國。豈中國獨能困人哉。以古鏡今用人得失。亦略可見矣。

唃廝囉河湟之戰

十二月吐番唃廝囉大敗趙元昊於河湟。趙元

昊遣蘇奴兒將兵擊廝囉敗死殆盡奴兒被執
元昊自領衆攻猫牛城一月不下旣而詐約和
城開乃大殺戮又攻青塘宗哥帶星領諸城廝
囉部將安子羅以兵截歸路元昊與戰敗之然
部兵溺宗哥河乃飢死過半未幾并兵臨河湟
廝囉壁鄯州不出元昊乃渡河插幟識其淺廝
囉潛使人移植深處及大戰元昊潰歸士卒覩
幟而渡溺死者十八九鹵獲甚衆廝囉來獻捷
詔加保順軍節度○自西涼爲李繼遷所陷潘

羅支舊部往往歸厮囉回紇降者復數萬。厮囉居鄯州西有臨谷城通青海高昌諸國商人皆趨之以貿易由是富強。朝廷欲使背擊元昊以破其勢因授節鉞仍兼邈州大首領尋加河西節度使。厮囉約盡力無負然終不能至大功。駕馭元昊只此一着以夷攻夷然厮囉衆寡不敵勝不可常惜哉宋人不能爲唃氏善後之計。

元昊分衛統兵規制

三年冬、元昊攻回鶻瓜沙肅州克之、元昊既悉
有夏銀綏宥靜靈鹽會勝甘涼、又取瓜沙肅州
而洪定威龍皆卽堡鎮號爲州、仍居興州、阻河
依賀蘭山爲固、地方萬里、改元大慶、設十六司
以總庶務、置十二監軍司、委酋豪分統其衆、河
北置七萬人、以備契丹、河南鹽州路五萬人、以
備環慶鎮、戎原州左廂宥州路五萬人、以備鄜
延麟州右廂、甘州路三萬人、以備土番、回鶻、餘
兵駐賀蘭山、靈州、興州、興慶府、爲鎮守、總十五

萬人選豪族善弓馬五千人。迭直號六班。直分鐵騎三千爲十部。元昊自置番書形體頗類八分以教國人紀事。元昊旣志在恢拓數侵諸藩境土鄰國數怨之。常選部下驍勇自衛分爲十墜墜各有長一妹勤二浪訛遇移三細賞者埋四五里奴五雜熟屈則鳩六隈才浪羅七細母屈勿八李訛移岩名九細母嵬名十沒羅埋布每出入前後環擁設備甚嚴又分兵爲左右廂諸酋各選精騎目爲生剛捉生其廂左距契

丹又抵甘州有野利剛浪崖遇乞三將號爲謀

此神童衛行間之功

勇者人或言皆有異志元昊竝誅之而勢亦不

衰朝廷東自麟府西極秦隴開五路帥府儲衆

兵以守之元昊入寇常併兵一路而來諸路兵

勢隔遠不能相援中國之患獨此爲甚

勢隔遠不能救援故敗者數焉加之儲峙供餉

中外殫耗

如此布置豈是小醜規模英雄之生當帝

王耳黠虜自是不凡○併兵一路此黠虜

相傳秘密藏而中國徒解分兵之事安得

不敗

元昊僭帝始末

寶元元年冬十月元昊僭稱帝建國號曰大夏先是元昊遣使詣五臺供佛以窺河東道路既還與諸酋插血約先攻鄜延欲自靖德塞門砦赤城路三道竝入其叔父山遇數勸元昊勿反不聽山遇遂挈妻子來降知延州郭勸執還元昊元昊殺之遂反遣奉表略曰臣祖宗本出帝胄當東晉之末運創後魏之初基遠祖思恭當

唐李率兵極難、受封賜姓、祖繼遷心知兵要、手握乾符、大舉義旗、悉降諸部、臨河五郡、不旋踵而歸、沿邊七州、悉差肩而克、父德明嗣奉世基、勉從朝命、臣獨以狂斐、制小番文字、改大漢衣冠、衣冠既就、文字既行、禮樂既張、器用既備、吐番悒悒、張掖交河、莫不從服、稱王則不喜、朝帝則是從、輻輳屢期、山呼齊舉、伏願一垓之土、建爲萬乘之邦、家再讓靡遑、羣集又迫、不得已顯而行之、遂以十月十一日、郊壇備禮、爲世祖始

文本武興法建禮仁皇帝國號大夏建元天授
伏望許以西郊之上冊爲南面之君敢竭愚庸
常敦勸好。自郭勸械送山遇以示朝廷不疑
之意賊戮其族無遺類由是西人怨懼向化之
心絕矣賊爲患旣劇朝廷降詔購募賊中有僞
置名職至卑如埋移香者作輸歸款朝廷重其
封祿至以郡王待之亦終不至賊黨益固矣
具欲自帝其國何能禁之獨恨郭勸之執
還山遇勸肉其足食乎

議削元昊官爵

三年六月詔削元昊賜姓官爵初元昊表至宰相張士遜卽議絕和問罪羣臣皆曰元昊小醜也請出師討之旋臣何不卽誅滅矣諫官吳育獨進曰元昊雖稱藩臣尺賦斗租不入縣官且叛服不常請置之示不足責且彼已僭輿服勢必不能自削宜援國初江南故事稍易其名可以順附而收之又上言姑許其所求彼將無辭然後陰勅邊臣密脩戰備使年歲之間戰守之計立則

元昊雖欲妄作、不能爲深害矣。奏入、士遜笑曰、人言昊舍人心風果然。至下詔削元昊官爵、絕互市、揭榜於邊、募能擒元昊者、斬首獻者、卽授定難節鉞。已而元昊又遣賀永年齎嫚書、納旌節、及所授勅誥、置神明匣、留歸孃族而去。

元昊之叛、正所謂削亦反、不削亦反者也。吳育援國初江南故事、可以順附而收之。昊之桀驁、豈倣恭順之比乎。卽密脩戰備、亦不在聽其帝與不帝也。此奏宜爲士遜

所笑然士遜下詔削奪嘗一計及其嫂書
否先是昊母族人山喜謀殺昊昊醜其母
并沉山喜之族於河遣使告哀凶逆之罪
蓋載不容士遜何不以此聲罪致討卽未
必能以此服昊然彼方儼然而帝國中亦
足少奪其魄失此一着令人扼腕

劉平石元孫之敗

康定元年春正月元昊寇延州當夏人出入之
衝地闊砦疎土兵寡弱又無宿將知延州范雍

聞元昊且至，思甚。元昊詐遣人通款於雍，雍信之不設備。既而元昊盛兵攻保安軍，鄜延副總管劉平、石元孫屯慶州，雍以書召之，與元孫趨土門。元昊既破金明砦，執都監李士彬父子，破安遠塞門。永平諸砦乘勝至延州城下，雍閉門堅守。平、元孫聞之，督騎兵晝夜倍道而前，明日至萬安鎮。平先發步兵繼進，夜至三川口西十里止營，遣騎兵先趨延州爭門。時鄜延都監黃德和、巡檢萬侯政、郭遵、分屯外境，雍皆召還。

爲援平與之合步騎萬餘結陣東行五里許遇賊平與賊皆爲偃月陣相向有頃賊兵涉水爲橫陣遵擊退之尚能兩軍相持賊復蔽盾爲陣官軍復擊却之奪盾殺獲及溺死者近千平中流矢日暮賊以輕兵薄戰官軍小却黃德和居陣後望見軍部率麾下走保西南山衆從之皆潰平遣其子宜孫馳追德和執轡語曰當勒兵還并力抗賊奈何先奔德和不從驟馬遁赴甘泉平遣軍校連買備千餘人而尚能轉關三日安可浮罪仗劍遮留得千餘人轉鬪三日賊退還水東平

率餘衆保西南山，立七柵自固。夜四鼓，賊遠營呼曰：「如許殘兵，不降何待？」平旦，賊酋舉鞭麾騎，自山四出，合擊截官軍爲二。平遂與元孫等皆沒於賊。會大雪，賊解去。延州得不陷，詔殿中侍御史文彥博卽河中置獄問狀。黃德和坐腰斬，范雍貶知安州，贈平元孫官。雍爲治尚恕，好謀而少成，故及於敗。帝因劉平、石元孫之敗，問所以禦邊，判太常禮院丁度奏曰：「今士氣傷沮，若復追窮巢穴，饋糧千里，輕用人命，以快一朝之

意非計之得也。唐都長安，天寶後，河湟覆沒，涇州西門不開，京師距寇境不及五百里，屯重兵，

此言何可為以影前唐之門將此也

嚴烽火，雖常有侵軼，然卒無事。太祖時，疆場之任不用節將，但審擇才器，豐其廩賜，信其賞罰，方陞輯寧，幾二十年，爲今之策，莫若謹亭障，遠斥堠，控扼要害，爲制禦之全計。因條上十策，名曰備邊要覽。昔西疆未寧，二府三司雖旬休不廢，務言符堅以百萬師寇晉，謝安命駕出遊，以安人心，請給假如故，無使外夷窺朝廷淺深，從

之。○先是夏人之欲攻延州也，雍洵懼，請濟師，俾俠士三百，平以環慶署兼鄜延，雍領之。十二月以甲五千乘留半月所，寇無聞。正月初還屯華沼，寇又聲由保安來，俾懷德壁承平，部署元孫鈴轄德和屯保安以禦之。李真驕貪，士憤之。十七日，寇聲取金明，真介以俟，逮亥不至，釋而寢。十八日四鼓，寇奄至，士叛俘真。十九日寇及城下，前是雍聞寇且至，亟自華沼赴難，會大雪，平兼行過保安。元孫德和以其甲巡夕，宿白巾。

未知寇及郭二十日五鼓平合吏議進師郭遽
曰吾未識寇深淺而瞽進必敗請止此先偵而
進平叱曰吾以豎子驍決乃爾怯沮吾軍遂呼
馬乘去士未徧食踐雪行數十里寇偽爲雍使
督進平且曰寇已至道隘宜單引衆平信之寇
稍剪取亡數指揮乃悟遂屯五龍川據高自守
二十一日寇以羸兵先犯之遵陷陣確戰俘馘
而反已而再至平軍少利比晚復至爲兩翼以
拚之德和乃以數千人南遁平軍遂敗寇圍而

此法即應取敗

雍之遁等死二十三日旦呼元孫以殘甲數千
自固寇以渠令召之皆乘馬而往虜騎及榆林
民逃者過河中二十二日乃撤城下兵去德和
至鄜州奏平率衆降賊已完數千兵僅免雍以
實狀聞乃斲德和腰賞平元孫家初雍辟用章
自副李康伯監安撫兵鈐轄守勤疾之城之圍
也用章欲棄延保鄜康伯垂涕守勤皆叱之圍
解守勤欲白二人雍使先之遂大詔用章杖流
康伯竄雍以太常卿守安○丙子黑風自西北

起京師晝晦如墨移刻而止丁丑始遣中使隨問劉平石元孫家屬加賜贈

劉平石元孫之戰以寡敵衆殺傷猶略相當力竭而沒不可爲二人罪獨黃德和之潰走令人切齒殆文彥博置獄問狀而德和腰斬宋之賞罰猶爲不失○君憂臣辱理固應然況於旬休自當着急公之義晉事其何足法而引以爲請耶

韓琦表章郭遵

康定元年三月癸酉韓琦奏昨者夏虜寇延州有西路都巡檢使侍禁閤門祇候郭遵從劉平與賊戰有跨馬舞二劔以出大呼曰欲鬪將者平問諸將無敢敵者遵獨請行因上馬舞二鐵簡與賊格鬪賊失手腦碎餘衆遂却順之遵又橫大鋸刀率百餘人進陷虜陣至其帳而還凡三出三人所殺者幾百人遵馬倒爲賊所害聞賊中皆歎服其勇也乞優賜褒贈及錄其子孫詔贈遵果州團練使母妻皆封郡君諸子悉除

供奉官侍禁殿直兄弟亦以差拜官

郭遵雖戰沒猶有生氣魏公獨爲表章正得馭將之體

仁宗不減兵吏祿賜

昔陝西用兵調費日蹙命近臣及三司議省浮費詔自乘輿服御及宮掖所須務從簡約若吏兵祿賜母得輒行裁減時論或欲捐兵吏俸賜帝曰祿廩皆有定制母遽變更以搖人心宜申諭之

仁宗之見遠矣，真是帝王之識。

韓琦薦仲淹知永興軍。

命知制誥韓琦安撫陝西。初，琦使蜀歸，論西師形勢甚悉，即命安撫陝西。琦言：「范雍節制無狀，宜召知越州范仲淹委任之。」方陛下焦勞之際，豈臣敢避形跡不言？若涉朋比，誤國家當族，帝從之。召仲淹知永興軍。

希文以魏公之薦用，而好水川之戰，畢竟堅守持重之說，不爲少徇。此所以爲希文。

劉渙請使喃氏

康定初元昊擾邊官軍顛覆屯田員外劉渙抗
章請使喃氏令率衆擊元昊以分兵勢自秦州
踰四旬方達喃氏所經道路艱危非貨不行既
見倨慢殊無外臣之禮逼渙拜之加以言語不
通朝音不能悉達徒捐金繒數萬而還

河湟之戰喃氏得志之時南徙之後文法
寢弱勢在危窘自固不暇豈能爲朝廷困
元昊哉渙策疎矣

吳育通西域之議

吳育上言天下久安務因循而厭生事政令紀綱邊防機要置不復修一有邊警則倉皇莫知所爲○此○此○病○古○今○一○一○休○死○方○可○慮○逮稍安靜則又無敢輒言者若政令脩紀綱肅財用富恩信洽賞罰明將帥練習士卒精銳則四夷望風自無他志若一不備則乘間而起矣又曰漢通西域諸國斷匈奴右臂諸戎內附雖有桀黠不敢獨叛唐太宗賞賜回鶻可汗并其相手書納其貢奉厚以金帛真宗命潘羅

支攻殺李繼遷而德明乃降。元昊第見朝廷比
年與西域諸戎不通朝貢，乃得以利啗鄰國，固
其巢穴，無肘腋之患。跳梁猖獗，彼得以肆而不
顧矣。請募士諭哨廝囉及他番部，離散其黨，與
使併力以攻，而均其恩賜。此伐謀之要。因錄上
真宗時通西域諸番事迹。

虜之強弱亦是時勢使然。今日之元昊豈
繼遷比。而西域諸番未便如昔日之潘羅
支越境而通使，徒滋敵笑。

狄青保安之捷

十一月夏人寇保安軍巡檢都指揮使狄青擊敗之青初以善騎射爲騎御散直從西征戰安遠諸砦皆克捷臨敵被髮帶銅面具出入賊中皆披靡莫敢當至是元昊寇保安軍鈐轄盧守勲使青擊走之以功加秦州刺史帝欲召見問以方略會賊寇渭川命圖形以進

如此留心邊將自當人人自奮矣
詔添河北各路弓箭手

康定元年六月言事者以朝廷發兵戍守西邊恐諸處無備乞於京東西州軍增置弓手辛丑詔天章閣待制高若納爲京西體量安撫使就委點集甲辰中書門下奏諸路竝宜增置弓手以備盜賊詔除陝西河北河東京西已從差及川陝廣南福建更不點外其餘戶分量戶口多少增置戊申三司奏乞下開封府并河北買驢三千頭載軍器需陝西詔減二千頭仍增京東西南路康定元年九月丙寅詔河北河東強壯

陝西京東京西新添弓手皆以二十五人爲團團置押官一員四團爲都置正副都頭一人五都爲一營置指揮使一人教習

此法得之

王吉倉卒遇虜之捷

王吉常從都監王凱及中貴人將兵數千人卒遇虜數萬騎中貴人皇恐以手帛自經吉曰官何患不死何不且令吉與虜戰若吉不勝死未晚也因使其左右數人守中貴曰貴人有不虞

只是一念直前天下無不可為之理然則解大將亦應進其

當盡斬若屬卽將所部先登射殺虜大將虜衆
大奔衆軍乘之虜墜崖死者萬餘人奏上凱自
侍禁除禮賓使本路鈐轄吉自奉職除禮賓副
使吉常與夏虜戰其子文宣年十八從行戰罷
不見文宣其麾下請入虜中求之吉止曰此兒
爲王吉子而爲虜所獲尚何以求爲頃之文宣
挈二首以至乃喜曰如此真我子也吉每與虜
戰所發不過一矢卽捨弓肉袒而入手殺數人
然後反自及其張弓挾矢之時直往抱之使彼

倉卒無以拒我。則我擒矣。吾前後數十虜陣。其戰未嘗兩矢也。時又有張節與吉齊名。皆不至顯官而卒。

吉之通身是膽。故一往無留行。直可爲陷陣擒敵之法。然如此驍將而不至顯官。宋事可知。

范雍李士彬之處降夷

李士彬世爲屬國胡酋。領金明都巡檢使所部十有八寨。胡兵近十萬人。延州人謂之鐵壁相。

公夏虜素畏之元昊叛遣使誘士彬士彬殺之
元昊乃使其民詐降士彬士彬知白延州范雍
請徙置南方雍曰討而擒之孰若招而致之乃
賞以金帛使隸于士彬于是降者日至分隸十
八寨甚眾元昊使其諸將每與士彬遇輒不戰
而走曰吾士李聞鐵壁相公名莫不墜膽于地
狼狽奔走不可禁止也士彬益驕又以嚴酷御
下而多有所侵暴故其下多有怨憤者元昊乃
引以金爵誘其所部往往受之而士彬不知是

歲元昊遣衙校賀真來見范雍自言欲改過自

新歸命朝廷雍喜厚禮而遣之凡先所獲俘梟

首于市者皆斂而葬之官爲致祭真既出境虜

騎大入諸降虜皆爲內應士彬時在黃帳寨聞

虜至索馬左右以弱馬進遂輕以詣元昊士彬

使其腹心赤豆軍主以珠帶示母妻使逃母妻

策馬奔延州范雍猶疑使人訶虜皆爲所擒明

日騎至城下元昊割士彬耳而不殺後十餘年

率于虜中○知延州范雍奏前月趙元昊悉衆

入寇陷金明寨執都監李士彬父子遂攻安遠
塞門永平寨安遠最居極邊賊砍壞兩重門監
押侍禁趙元吉追下軍士斫追賊兵復奪得城
門拒守數日賊乃去賊遂合衆屯於州城之北
三川口列十餘寨二十三日賊分兵出東西城
之後及西城之間呼噪射城上人城上諸軍發
矢攻賊死者頗衆遂不敢攻明日賊引兵退其
守城將佐鈐轄盧守勤等謹條次其功狀乞超
資酌賞以勵後來又奏拷寨主殿直高益監押

殿直韓遂、安遠寨主供奉官蔡詠、奉職曹度、借
職王懿皆死於賊。趙元吉及寨門主供奉官高
延德、權監押右侍禁王繼先、永平寨主左侍禁
郭延珎、權監押左侍禁王懿皆有拒守之功。詔
死事者優與贈官，仍賻錢絹，錄其子孫。元吉遷
西頭供奉官，閤門祗候。充安遠寨主。
士彬與范雍之愚何。兩人會合于一時乎。
種種癡絕。令人發咲。況于劇虜。能不輕視。
張方平平戎十策

元昊陷塞門諸砦，執砦主高延德以去。又陷安遠承平砦，時著作郎張方平上平戎十策，其畧以爲宜屯重兵河東，示以形勢，賊入寇必自延渭而興州，巢穴之守必虛。我師自麟府渡河，不十日可至。此所謂攻其所必救，形格勢禁之道也。宰相呂夷簡見而避之，謂知樞密院宋綬曰：「大得科人矣。」

十策載第二卷

元昊阻河爲固，渡河不易。又十日而始至。兵力疲矣。即至其巢穴，夏人能拱手而聽。

之乎。吾未見其奇也。

范仲淹防禦延州事宜

康定元年八月，詔范仲淹兼知延州。先是，詔分邊兵總管領萬人，鈐轄領五千人，都監領三千人。寇至，禦之，則官卑者先出。仲淹曰：「將不擇人以官爲序，取敗之道也。」于是大開州兵，得萬八千人，分六將領之。日夜訓練，量賊衆寡，使更出禦敵。人聞之，相戒曰：「無以延州爲意。今小范老子腹中自有數萬甲兵，不比大范老子可欺也。」

大范蓋指雍也。仲淹以民遠輸勞苦，請建鄜城爲軍，以河中府同華州中下戶租稅就輸之。春夏徙兵就食，可省糴十之三。他所減不與詔，以爲康定軍。仲淹又修承平永平等砦，稍招還流亡，定堡障，通斥堠，城十二砦。于是羌漢之民相踵爲業。○又以延州當時試藝之法，弓弩惟務斗力多，而不求所射疏密。其左右斫駢腰躬腦躬一綽箬子放數箭之類，乃是軍中之戲。又馬槍止試左右盤弄，而不較所刺中否，皆非實藝。

以此臨陣對寇，罕能取勝。縱得武士挽三石力弓，踏五石力弩，不能射，則與空手無異。嘗閱武部式，見唐取人，皆較實藝。今定九步射於四步內，各射箭十弓。一石五斗以上，七中爲第一；一石二斗以上，五中爲第二；九斗以上，三中爲第三；弩三石五斗以上，八中爲第一；三石以上，七中爲第二；兩石五斗以上，五中爲第三。凡馬射，鹿子或荊椿各箭十弓。一石以上，八中爲第一；九斗以上，七中爲第二；八斗以上，五中爲第三。

凡馬上使鎗左右十刺得五中本人爲及等馬
上鉄鞭簡棍子雙劔大斧連枷之類並是一法
每兩條其重十斤爲及等但取左右實打有力
者爲中馬槍鉄簡俱及等爲第三步刺槍步斫
劔即勝者爲第三馬上盤鋤刀木槊五十斤以
上勇力過人者爲第一以上若一件入第一請
優與遷擢入第二恩澤次之入第三量才錄用
如第二件以上入第一三件以上入第二四件
以上入第三並槍簡及等與不次獎拔詔送樞

身重事考 卷一
三
審院行之

此之謂以守爲戰而租稅就近爲輸移兵就食尤爲可法但於防守之時爲有礙故只以春夏爲然○如此乃爲實藝可爲後世練習之法

任福白豹城之捷

康定元年秋夏虜寇保安軍鎮戎軍九月二十日環慶路部署知慶州任福謀襲夏虜白豹城及骨咩等族以牽制虜勢使東路都巡檢任政

華沙寨主胡永錫擊骨咩族使鳳川寨監押殿
直劉世卿將廣勇神虎二指揮會華沙又使淮
安鎮都監劉政監押張立將兵趨西谷寨與寨
主等共擊近寨諸族期以二十日丑時俱發福
以十六日夜閉門後授諸軍甲十七日未明出
兵令城門非從兵行無得輒出一人聲言巡邊
是夜宿業樂鎮十八日晚入柔遠寨十九日犒
設柔遠諸蕃部禁止毋得出城密部分諸將使
駐泊都監王懷正攻白豹城西斷神樹砦來路

北都巡檢范全攻其東斷金湯之路柔遠寨主

分市亦有條理

譚嘉震攻其北斷葉市之路供奉官王慶走馬

承受石全止攻其南擊賞渥等族駐泊都監武

英主人城門鬪敵福以大軍駐于城南照管策

應是日引兵發柔遠寨置蕃官等于福馬前而

行凡七十里二十日午時至白豹城各分部令

寅時攻城卯時克之悉焚其偽置李太尉衙署

酒稅務倉草場及民居四十室里內禾稼聚積

諸將分破族帳四十一擒偽署張團練殺首七

人斬獲二百五十一餘級，虜牛馬羊橐駝七千餘頭，器械三百餘事，印記六面，僞宣勅告身及蕃書幾通，軍士歿者一百六十四人。以范全及蕃官巡檢趙明爲殿而還。○任福破白豹寨，捉虜到僞首領季家妹，在慶州官負充奴婢，恐蕃界首領聞及轉生怨毒，別起奸弊，遂差指使侍禁石斌往慶州取同。延州通判馬端及本路都監朱青問得所說事文狀一紙，及稱于慶州淮安鎮有投來軍，是親叔，即差石斌押送慶州分

付與親叔歲奴收骨、令嫁士人爲妻、後石斌回、
稱到彼、歲奴骨肉並來覲視、號哭、

好水川之敗、白豹城之勝、易之也、兵家勝、
負、其可恃乎哉、○只處置一箇卒、亦不草、
草前輩臨事乃爾、

种世衡城清澗并知環州始末

九月元昊寇三川砦、都巡檢楊保吉死之、連陷
乾溝、乾福、趙福三堡、時砦門諸砦旣陷、鄜州判
官种世衡言、延安東北二百里、有故寬州、請因

廢壘而興之以當寇衝右可固延陵之勢左可
○成○畫○先○已○定○于○物○中○致河東之粟北可圖銀夏之舊朝廷從之命世
衡董其役夏人屢來爭世衡且戰且城然處險
無泉議不可守鑿地百五十尺遇石橫亘工徒
曰是不可井矣世衡曰過石而下將無泉也爾
其肩而出之凡肩石一畚定價百錢工乃致力
過石數重泉果沛發城成賜名清澗以世衡知
城事

過石而及泉人皆知之特不肯以百錢肩

一畚耳重酌之下。何事不辦。特一鑿井哉。
种世衡初至清澗。城逼近虜徑。守備單弱。芻糧
俱乏。世衡以官錢貸商旅。使致之不問所出入。
未幾倉廩皆實。又使吏民習射。使僧道婦人亦
習之。以銀爲射的。中者輒與之。旣而中者亦多。
其銀重輕如故。而的漸厚且小矣。或爭徭役優
重。使之射。射中者得優處。或有過失。亦使之射。
射中者則釋之。由是人皆能射。士卒有病者。嘗
使一子視之。戒以不愈必答之。撫養羸屬。親入

其帳得人歡心。爭爲之用。寇至累破之。部落待
遇如家人。有功者。或解所服金帶。或撤席上銀
器遺之。比數年。清澗城遂成富強。于延州諸寨
中。獨不求益兵運芻糧。

此法不特可教射。凡一切攻守之具。皆可
倣行。

胡部蘇慕思部落最強。世衡皆撫而用之。嘗夜
與思飲。出侍姬以佐酒。旣而世衡起入內。潛入
壁隙窺之。慕思竊與侍姬戲。世衡遽出掩之。慕

恩慙思請罪。世衡笑曰。君欲之耶。即以遺之。由是得其死力。諸部有貳心者。使慕恩討之。無不克。

此邊吏之苦心。然亦止可以籠絡慕恩。不如雪夜入牛奴訛之寨。尤足動人。

延州東路清澗城。承平砦。并保安軍北巡檢劉化基手下熟戶蕃部。遭西賊打虜。驚移傷殘。戶數并投來蕃部。並在逐寨及本軍側近住坐。未曾歸業。恐其失所。却逃入蕃界。仲淹遂牒种世

衡等勘會驚移熟戶、蕃部有未敢歸業即便相
度鄰近官私空閒地土、權撥與耕種、如無牛具
者、官與量借糧收買、又勘會驚移人戶并投來
蕃部、其中甚有缺乏衣食、存濟不得、却恐致有
逃走、又牒种世衡相度逐戶口數目、每十口已
上量支借貸祿粟各一石、十口已下支借五斗、
嘗切照管安撫無令失所、又金明砦蕃戶三百
二十八戶雖給與田土、緣經討虜後無力耕耘、
又牒延州通判高延夫將蕃部每家十口已下、

各支斛斗二石十口已上支三石並令于本處
若食支給

生羌歸附者百餘帳納所得元昊文券袍帶無
復貳心世衡令諸族各置烽火元昊掠之更相
救常敗去遂不敢犯

真是循吏撫民之政如此撫夷異類安得
不歸心向化

元昊雖數勝而死亡創痍者相半國人困于黠
集財用不給多怨之知延州龐籍言夏境鼠食

稼且旱。元昊思納款，詔命知保安軍劉拯諭元
昊親信野利王者。天都王者，言公方持靈夏兵。
儻內附，當以西平茅土分冊之。野利令浪埋賞
乞媚娘三人詣种世衡乞降。世衡知其詐，曰：「與
其殺之，不若因以爲間。」留使監稅，出入騎從甚
寵。野利使其教練使李文貴至清澗，報世衡言
用兵以來，資用困乏，人情便于和。籍曰：「此詐也。」
乃屯兵清澗，留文貴不遣。元昊果大舉入寇，攻
鎮戎軍有王嵩者，本清澗僧，世衡察其堅朴可

元昊果欲施謀，二人之封不封。

用。人。以。堅。朴。

此○最○得○之○蓋○堅○則○利○害○攝○福○不○能○奪○利○則○害○
用誘令冠帶因出師以獲賊功白于帥府表授
魏李止不能欺乃可寄以生死

三班階職充指揮使又爲力辦其家事凡居室
騎從之具無不備嵩既感恩世衡反以它事掠
治之械繫數十日極其楚毒嵩終不怨居半年
世衡召嵩語曰吾將使汝戒汝勿言其苦有甚
于此者汝能爲我卒不言否嵩泣而允世衡乃
遺野利書膏蠟致衲衣間密縫之仍囑之曰此
非濱死不得泄若當泄時當言負恩不能成將
軍之事也又以畫龜一幅聚一節遺野利野利

見棗龜笑曰。种使君年已長矣。何以戲爲。度必
有書索之。嵩目左右。又對無有。野利乃封信上
元昊。元昊召嵩并野利至數百里外。詰問遺書。
嵩堅執無書。至箠楚極苦。終不言。又數日。私召
至其宮。仍令人問之曰。不速言死矣。嵩終不說。
乃命曳出斬之。嵩乃大號而言曰。空歿不了將
軍事矣。吾負將軍。吾負將軍。其人急追問之。嵩
于是褊衲衣。取書進入。移刻命嵩就館而陰遣
愛將假爲野利使。使世衡。世衡疑是元昊使。未

即相見只令官屬日即館舍勞問問及興州左
右則謂近野利所部多不悉適擒生虜數人世
衡令于隙中密覘之生虜因言使者姓名果元
昊使乃引見使者厚遣之世衡度使者至蒿即
還而野利報歟矣世衡既殺野利又欲并去天
都因設祭境上書祭文于版述二將相結有意
本朝悼其垂成而失其祭文雜紙幣中有虜至
○世○衡○雖○巧○而○見○然○元○昊○終○是○能○漢
急焚之以歸版字不可遽滅虜得之以獻元昊
天都亦得罪元昊既失腹心之將悔恨無及乃

定和議世衡又嘗以罪怒一番將杖其背寮屬
爲請皆其能得其人杖已即奔元昊元昊甚親
信之歲餘盡得其機密以歸乃知世衡能用間
也初洛苑副使种世衡在清澗城欲遣僧王嵩
入趙元昊境爲間與之飲謂曰虜若得汝拷掠
求實汝不勝痛當以實告耶嵩誓死不言世衡
曰先試之乃縛嵩于庭而掠之數百嵩不屈世
衡曰汝真可也時昊使其妻之兄弟寧令之舅
野利旺榮及剛浪陵分將左右廂兵用事世衡

使嵩爲民服賁詣旺榮且遺之棗及薑龜旺榮鎖嵩囚地牢中且半歲會元昊欲復歸中國而先耻自言乃釋嵩囚使旺榮遺邊將書遣教練使李文貴送嵩還曰曷者种洛苑書意欲求通和耶邊將送文貴及嵩詣延州時龐公爲經畧非世衡不能用間非王嵩不能供世衡之用間嘔盡心血能令最黠之元昊在其玩弄中亦自夏人虜邊以來絕快意事也但二將繼亡而夏人兵力卒亦不衰不知何

故。

仲淹累奏薦种世衡知環州未用又上言環州
勾當一郡十三寨當此危地須在得人朝廷以
臣不才而輕此一路臣恐將有麟府之禍雖加
罪于臣無益邊事臣今乞將新授左司郎中一
官迴授种世衡轉諸使司知環州權鈐轄司或
朝廷從臣所請使邊臣知推讓之風亦非細事
如終不允從則乞差臣帶本路一將軍權知環
州支備如朝廷體量臣稍涉虛妄甘受上書詐

妄不實之罪

希文薦賢如此懇至安得邊事不舉然亦
惟世衡足當希文之薦耳

种世衡爲屬吏所訟以不法事按驗有狀鄜延
經畧使龐公奏世衡披荆棘立清澗城若一一
拘以文法則邊將無所措手足詔勿問頃之世
衡徙知環州將行別龐公拜且泣曰世衡心腸
世衡主法、利害、與、度、外、人、而、屬、公、兩、
敏、行、漢、其、文、法、之、用、人、可、知、
鉄石今日爲公下淚也

能使鉄石心腸下淚者乃能使不有其驅

命。此理易曉。但以世衡之素尚氣節。而尚
有不法事。可以按驗。則邊將文網之當寬
確矣。

范仲淹巡邊。知環州。屬羌多密。與元昊相通。以
种世衡素得屬羌心。而清澗城已完。乃奏徙世
衡知環州。以鎮撫之。有牛奴訛素倔强。未嘗出
見州官。聞世衡至。乃來郊迎。世衡與約。明日當
至。其帳慰勞部落。是夕雪深三尺。左右曰。奴訛
凶詐難信。且道險不可行。世衡曰。吾方以信結

諸胡胡可失期也。遂冒雪而往。既至，奴訛大驚，曰：「吾世居此山，漢官無敢至者。公了不我疑耶？」帥部落羅拜，皆感激心服。由是緣邊諸將獨環不求增兵，不煩益糧，而武力自振。夏戎聞屬羌不可誘，土人皆善射，烽火相望，無日不備，乃不復以環爲意。

以恩信結諸酋，得其効力，須如乳母之哺兒。又如狙公之賦芋，權實雙行，乃見妙手而尤妙在每事出其不意。如世衡雪夜之

往此謂。兔起鶻落。不容措手者也。

世衡種種作用。出之深心。而颺馳電逐。如天馬行空。都出人意。想卜度之外。自宋制馭西夏以來。吾以爲第一異才。然以此才局。以此信任。而僅得固吾圉。以伐虜謀。卒不能剪滅此而朝食。豈元昊之勁。爲古今所莫敵哉。予視仲平。初知武功縣。用刑嚴峻。追呼不使人執帖。片紙榜縣門。人莫不驚懼。如期至。後再知澠池。葺南山廟。而梁

重不易舉。仲平期以某日合手搏。傾城人往視之。既至。佯語之曰。先爲我致廟梁。然後觀手搏。衆欣然下山。須臾而上。其爲政多此類。大較。仲平所長在權術。智畧超人一等。而於旋乾轉坤之手。終是有間。

仲淹奏城永平諸寨

仲淹以廊延路入界。比諸路最遠。若先備復城寨。即是遠圖。乞遣使命令。臣督諸將出兵。先修復廢砦。別置戍守。既逼近蕃界。彼或黠集大馬。

朝夕便知大至則閉壘以待隙小至則扼險以制勝前後凡六奏卒城永平等十二砦蕃漢之民相踵復業

修復城砦以招集蕃漢之民亦是因時制宜之法未便可以律別路之形勢也

史吉力守永平城寨

當夏虜寇延州永平監押欲引兵匿深山俟虜去復歸指揮使史吉率所部數百人遮城門立于馬前曰寨主監押欲何之二人以其謀告吉

曰、如此兵則完矣、如城中百姓芻糧何、此往還之迹何可掩、異日爲有司所劾、吉爲指揮使、不免于斬頭、願先斬吉於馬前、不然不敢、以此從行也、寨主監押漸惧、引轡而返、虜至圍城、吉帥衆拒守數日而虜去、朝廷以寨主監押完城功、各遷一官、吉曰、幸不失城寨、吾豈論功乎、後官至團練使、

賞不及功、所以令戰士之多向隅也、如史吉者可多得哉、

紙甲之製

四月戊子都轉運使秦請令准江南造紙甲三二萬副、本路給防城刀手、詔委逐路州軍以遠年帳籍製造。

遠年帳籍取製紙甲事舉而不費。

王堯臣安撫陝西

仁宗時王堯臣爲學士知審官院陝西用兵爲體量安撫使將行請曰故事使者所至稱詔存問官吏將校而不及于民自元昊反三年於今

關中之民凋敝爲甚請以詔勞來仍諭以賊平
蠲租賦二年仁宗從之使還上言延州鎮戎軍
渭州山外三敗之由皆爲賊先據勝地誘致我
師將帥不能據險擊歸而多倍道趨利兵方疲
頓乃與光羌合戰賊始縱鉄騎衝我軍繼以步
吳挽韁注射鋒不可當遂至掩覆此主帥不思
應變以懲前失之咎也願勅邊吏常遠斥堠遇
賊至度遠近立營砦然後量敵奮擊毋得輕出
詔以其言戒邊吏

此真安撫使也。遇賊度遠近，立營砦，然後量敵奮擊，定不至臨陣奔潰。

韓范攻守之議

慶曆元年春正月，帝以元昊勢益猖獗，遣翰林學士晁宗慤即陝西問攻守之策。夏竦等具二說，令副使韓琦判官尹洙詣闕奏之。帝取攻策，執政以爲難。杜衍亦曰：「微倖成功，非萬全計。」帝不聽。詔鄜延涇原會兵期，以正月進討。范仲淹言：「正月塞外大寒，我師暴露，不如俟春深賊馬。」

瘦人飢其勢易制且鄜延密邇靈夏西羌必由
之地第按兵不動以觀其釁許臣稍以恩信招
徠之不然情意阻絕臣恐偃兵無期矣乞留鄜
延一路以備招納或擇利進城廢砦以牽制元
昊帝從之仍詔范仲淹與琦等同謀可以應機
乘便即仍出師琦亦奏言兩路協力尚懼未能
大剋黠虜若鄜延以牽制爲名則是委涇原孤
軍嘗于賊手非計之得乞督令鄜延進兵同入
帝以奏示仲淹仲淹言臣與琦等皆一心非有

怯弱、但戰者危事、當自謹守以觀其變、未可輕
兵深入、琦又令尹洙至延州議、仲淹堅執不可、
洙歎曰、公于此不及韓公也、韓公曰、大凡用兵、
當置勝敗于度外、琦復上奏曰、仲淹意在招納、
使朝廷強之終非已謀、將佐聞之、必無銳志、臣
以賊吳傾國入寇、不過四五萬、老弱婦女舉族
而來、吾逐路重兵自守、勢分力弱、故遇敵不支、
若大軍併出、鼓行而前、乘賊驕惰、破之必矣、今
中外不究此故、遂乃待賊太過、屯二十萬重兵、

只守界壕中夏之弱自古未有臣恐邊障日虛
士氣日喪經費益蹙師老思歸賊乘此有吞陝
右之心乞別命近臣以觀賊隙如何進討斷在
不疑朝廷終難之

希文之識力自定

任福好冰川之戰

康定辛巳歲韓琦爲陝西經畧安撫使尹洙爲
判官同詣闕獻入攻元昊之策欲自鄜延原兩
路出師夏竦作太師意不甚主皆呂夷簡居上

弼天下之務一斷于已杜衍方副位樞地深以
入攻爲非呂因謂人曰自劉平敗覆以來言羌
事者人人震怯今韓尹徒果如此豈可沮之韓
尹既遂請即馳駟而西事以無怯自畿甸近都配市驢乘
軍須入關道路擁塞曉夜不絕其諸用度盡於
關中括取州縣不勝其擾范仲淹雖與琦同副
帥任已專守延安不預此議及師舉有期仲淹
固執不可洙徑走延安見仲淹圖爲協力仲淹
終不從琦已駐鎮戎軍召諸路將佐聚兵數萬

爲出討之計。○元昊遣高延德還延州，與范仲淹議。淹自爲書貽元昊，反覆戒諭，令去帝號，盡臣節，以報累朝厚待之恩。韓琦聞之，曰：「無約而請和者，謀也。」命諸將戒嚴，而自行邊。二月，韓琦行邊至高平。元昊果遣衆寇渭州，逼懷遠城。琦乃趨鎮戎軍，盡出其兵。又募勇士萬八千人，命環慶副總管任福將之，以耿傳泰軍事涇原都監桑懌爲先鋒，朱觀、武英、王珪各以所部從。福將行，琦令福併兵自懷遠趨德勝砦，至羊牧隆城。

出敵之後，諸砦相距纔四十里，道近糧餉便度。勢未可戰，即據險置伏，要其歸路，戒之再三。且曰：苟違節制，有功亦斬。福引輕騎數千，至懷遠捺龍川，遇鎮戎西路巡檢常開、劉肅與敵戰於張家堡南，斬首數百，敵棄馬羊橐駝，佯北。桑懌引騎趨之，福踵其後，謀傳敵兵少。福等因易之，薄暮與懌合軍，屯好水川，觀英屯籠絡川，相距五里。約明日會兵川口，必使夏人匹馬無還。然不知已陷其伏中矣。路既遠，芻餉不繼，士馬乏。

食者三日。時元昊自將精兵十萬營于川口。候者言夏人在此不多。明日福與懌循好水川西行。出六盤山下。距羊牧隆城五里。與夏軍遇。諸將方知墮計。勢不可留。遂前格戰。懌于道旁得數銀泥合。封襲謹密。中有動躍聲。疑莫敢發。福見人之計。雖巧。然安能必。宋人之取視而。啓之。合之。所以。以。利。敵。情。形。皆。預。先。人。一。著至。發之。乃懸哨家。鵠百餘。自中起盤飛。軍上。於是夏兵四合。懌馳犯其鋒。福陣未成列。賊縱鐵騎突之。自辰至午。陣衆動。欲據勝地。忽夏人陣中豎鮑老旗。懌等莫測。旣而旗左麾。左伏。兵起。

右麾右伏兵起自山背下擊士卒多墜崖塹相
覆壓懾肅戰死敵分兵數千斷官軍後福力戰
身被十餘創有小校劉進勸福自免福曰吾爲
大將兵敗以死報國爾揮四刃鉄簡挺身決鬪
鎗中左頰絕其喉而死子懷亮亦死之敵乃併
兵攻觀英戰既合珪自羊牧隆城引屯兵四千
五百陣于觀軍之西渭川駐泊都監趙津將尾
亭騎兵二千繼至珪屢出畧陣陣堅不可破英
被重傷不能視軍敵兵益至官軍大潰英津珪

傳皆歿、士卒死者萬三百人、惟觀以兵千餘保
民垣、四向縱射、會暮、敵引去、得還、關右大震、時
元昊傾國入寇、福臨敵受命、所統皆非素撫之
兵、又分出趨利、故至甚敗、琦還至半途、陣亡者
之父兄妻子數千人、跪於馬首、持故衣紙錢招
魂而哭、曰、汝昔從招討出征、今招討歸而汝死
矣、汝之魂亦能從招討以歸乎、哀慟之聲震天
地、琦掩泣駐馬、不能進、范仲淹聞之、歎曰、當是
時、難置勝負于度外也、奏至、帝震悼、爲之盱食、

敵如此、未有不敗

○此○意○惟○希○文○乃○可○形○之○歎○息○非○至○誠○動○物○則○

鮮不以爲現變案揭

宋庠請修潼關以備衝突。夏竦使人收散兵得琦檄于福衣帶間言罪不在琦。琦亦上章自劾。猶奪一官。當時言者又謂福之敗由叅軍耿傳督戰太急。後得傳書乃戒福使持重毋輕進。經畧判官尹洙以傳文吏無軍責而死於行陣。又爲時所誣。爲作憫忠辨誣二篇。○任福字佑之。開封人。少時頗涉書史。咸平中應募補殿前諸班。以材力選爲列校。凡六遷至遙領刺史。寶元初夏州趙元昊始絕朝貢。朝廷選班直諸校有

勇幹者除前班官任以邊事除福莫州刺史充
嵐石隰州都巡檢使尋改鳳翔秦鳳階成等路
駐泊馬部軍副都部署兼知隴州康定元年遷
忻州團練使充鄜延路駐泊兵馬部署尋徙知
慶州兼邠寧環慶路兵馬都署安撫使是歲九
月福與諸將攻元昊白豹城拔之破其四十餘
帳獲其防禦團練使等七人朝廷賞其功遷賀
州防禦使兼神龍衛四廂都指揮使月餘又遷
侍御親軍都虞候明年春受詔乘傳至涇原與

陝西都部署經制邊事。二月元昊寇渭州。福與諸將出兵合數萬人禦之。先戰小利。乘勝直進至三川口。忽遇虜兵且二十萬。官軍大敗。矢中福子懷亮之嗑。懷亮墜馬。援福馬鞅告之。福猶趣以疾戰。虜擊懷亮墜崖死。福乘馬運四刃鐵簡與虜鬪。身被十矢。頰中二刃。乃爲虜所殺。年六十一。上聞而惜之。贈武勝軍節度使。檢校太尉兼侍中。進封其母董氏爲隴西郡太夫人。妻王氏封琅邪郡夫人。子懷德除供備庫副使。懷

亮贈率府副使懷譽除供奉官懷謹侍禁孫惟
恭惟讓皆除殿直姪懷玉除借職賜田宅賻贈
甚多

好水川之敗非獨違魏公節制也臨敵受
命所統旣非素撫之人又且分出趨利人
各一心如此行師未有不敗若任福身被
十矢猶揮刃決鬪忠勇之槩雖死猶生安
得以成敗論人○任福之死戰即愛子陸
馬援鞅以告猶絕無一念憐惜之態此真

能以身許國者。然而宋之卹其身後者。亦自有恩。此宋祚之所以尚遠也。

韓魏公定出師臨敵之法

琦以前日山外之戰。諸將多亡歿。其所從之兵。衆不可一槩問罪。今不立法制。他日各務生全。豈復以主將存亡爲意。若人數不多。則軍法可以必行。請諸路總管。許置親兵百五十人。鈐轄百人。招討都監等七十人。月加給錢二百。其出師臨敵。主帥陷殆者。并斬從之。

此千古不易之法。此法即今之家丁也。

招集吐蕃熟戶

吐蕃族帳四路，惟秦號最盛，雖籍以爲籬障，然久持姑息，無畏服心。沿邊熟戶多爲昊賊脅從，魏公旣加慰撫，有違叛者，必舉兵討除之。隴波等族賞鈔邊已出師焚蕩，未入漠謝罪，又遣使詰問，皆納子爲質而去。琦以恩威旣行，仍遣通判尹洙詣諸族，召酋首戒諭曰：爾族可出人馬若干，我閱視而藉之，緩急禦賊，當發符召爾等。

宜駐營于野以聽命一人不至納羊爲罰羊不至是慢令也率師誅剪之獲賊首者進官增俸爲賞得蕃兵一萬三百餘人

此一萬三百餘蕃兵藉之雖在一朝結之則在平日若以驟集爲用非徒無益而且滋害

周美城金明之義

延州都監周美言于仲淹曰賊新得志其勢必復來金明當邊衝我之蔽也今不亟完將遂失

之因屬美復城如故數日賊果來其衆數千薄
金明陣于延州城北三十里美領衆二千力戰
會暮援兵不至乃徙軍山北多設疑兵賊望見
以爲救至即引去旣而賊出艾蒿砦遂至郭北
平○夜○闐○不○解○美○悉○衆○使○人○持○一○炬○從○間○道○上○山
益○張○旗○幟○四○面○大○噪○賊○懼○走○獲○牛○羊○馬○橐○駝○鎧
以數千計遂募兵守其地

美亦奇士與种世衡畧相當心誠求之何
患天下無才也

范仲淹議罷行營之號

慶曆元年三月、任福等旣敗、朝議因欲悉罷諸路行營之號、明示招納、使賊驕怠、仍密收兵、深入討擊、詔仲淹體量士氣勇怯、如不至畏懦、即可驅策前去、乘機立功、仲淹言、任福已下、勇於戰鬪、賊退便追、不依韓琦約束、因至陷敗、此皆邊上有名之將、尚不能料賊、今之所選、徃徃不及更令深入、禍未可量、臣非不能督主官員、須令討擊、不啻踈虞敗事之後、誅之何濟、惟聖慈

念之其郵延路罷行營文字臣且令所部許懷德收掌別聽朝旨臣一面依此聞報夏竦韓琦商量申奏如所議未合乞朝廷取舍臣方待罪不敢久冒此職妨誤大事從之

敗事之後誅之何益然不誅更何益所以操縱之權不得他諉

范仲淹荅書之議

三月元昊荅范仲淹書語極悖慢仲淹對來使焚之呂夷簡語宋庠曰人臣無外交希文乃擅

與元昊書得其書、又焚不奏、他人敢爾耶、時朝廷命仲淹陳對、仲淹奏曰、臣始聞虜有悔過之意、故以書誘諭之、會任福敗、虜勢益張、故復書悖慢、臣以爲使朝廷見之而不能討、則辱在朝廷、乃對官屬焚之、使若朝廷初不知者、則辱專在臣矣、故不敢上聞、奏下兩府共議、宋庠遽曰、仲淹可斬、杜衍曰、仲淹志在招叛、蓋忠於朝廷也、何可深罪、爭之甚力、宋庠謂夷簡必有言助已、而夷簡默無一語、上顧問夷簡何如、夷簡曰、

杜衍之言是也止可薄責而已乃降仲淹知耀
州

苟利社稷生死以之希文之通書豈以毀
譽利害動念哉但以朝廷仗鉞制閫之臣
欲通一書而議者紛起何以展布

張亢築建寧等堡

慶曆元年秋八月元昊陷麟府相繼閔敗之皆
夏竦爲經畧招討使昊尋寇金明砦破寧遠砦
進圍豐州孤城無援遂陷元昊遣兵分屯要害

以絕麟府餉道楊偕請棄河外保合河津帝不
許會管勾麟府軍馬事張亢擊賊琉璃堡破之
又戰于柏子砦及兔毛川皆敗之遂築建寧等
五堡十餘柵河外始固

楊偕請棄河外恐以輸餉資敵及張亢一
戰而五堡十柵達矣事豈不在人爲

軍興用度之議

時軍興用不足因聽並入邊中芻粟予券趨京
師權貨務受錢若金銀入中他貨予券償以池

鹽由是羽毛筋角膠漆鉄灰瓦木之類一切以鹽易之。猾商貪吏表裏爲奸。至入椽木二估錢千。給鹽二百二十斤。鹽直益賤。販者不行。至是詔凡商人虛估受券及已受鹽未鬻者皆計直輸虧官錢。內地州軍民門鹽悉收市入官。官爲置場增價出之。復禁永興等十一州軍商置官自輦運以衛前主之。又禁商鹽私入蜀。置柝務于永興鳳翔。聽人人錢。若蜀貨易鹽蜀中以售已而東南未鹽悉復禁榷。

軍興供億之苦正苦言利之臣利未見而
害已叢。

夏竦陳執中之罷

冬十月夏竦陳執中罷時陳院張方平以豐州
之敗言竦爲統帥三歲於茲師惟不出出則喪
敗寇惟不來來則殘傷安用統帥爲也今將校
被斥而帥不加罪非刑賞之公乃改竦判河中
執中知陝州

帥惟不出出則喪敗寇惟不來來則殘傷

每聞至此令人欲涕方平之言尤爲晚矣
分秦鳳涇原等四路經畧

分秦鳳涇原環慶鄜延爲四路以韓琦知秦州
王公知渭州范仲淹知慶州龐籍知延州各兼
經畧安撫招討使詔分領之張方平言涇原最
當賊衝王公未愜人望不當與琦等同列不報
琦上言請于鄜慶渭三州各更益兵三萬人拔
用有勇畧將帥統領訓練預分部曲遠斥候於
西賊舉動之時先據要害來則命駐劄之兵觀

利整陣。併力擊之。又于西賊未集之時。出三州已整之兵。淺入大掠。或破其和市。招其種落。築壘拓地。別立經制。朝廷節儉省費。傾內帑三分之一助邊用。使行間覘賊如此。則二三年間。賊力漸屈。平定有期矣。自元昊反。延州城砦焚掠殆盡。藉至稍葺治之。戍兵十萬。無壁壘。皆散處城中。畏藉莫敢犯法。藉命部將狄青將萬人。築招安砦于橋子谷。傍以斷寇出入之路。又使周美襲取承砦。王信築龍安砦。悉復所亡地。築十

一城延民以安。初元昊陰誘屬羌爲助，而環慶酋長六百餘人約爲鄉導。事尋露，仲淹以其反覆不常，至部即奏行邊，以詔書犒賞諸羌，閱其人馬，爲立條約。諸羌皆受命，自是爲中國用。羌人親愛之，呼爲龍圖老子。仲淹以慶州西北馬舖砦當後橋川口，在賊腹中，欲城之，度賊必爭，密遣其子純祐與蕃將趙明先據其地，引兵隨之。諸將不知所向，行至柔遠，版築皆具。旬日城成，卽大順城也。賊覺，以三萬騎來戰，佯北。仲淹

戒勿追已而果有伏大順既成而白豹金湯皆

不敢犯環慶自此寇盜益少仲淹在邊純佑年

希○文○不○特○善○用○人○尤○能○善○用○子○

方冠與將卒錯處鈞深摘隱得其材否由是仲

淹任人無失所向有功○冬十月戊午發定州

此法不可常最可

禁軍二萬二千人屯涇原庚申詔恤將校陣亡

感○動○人○心○

其妻女無倚者養之宮中○十一月壬申黑風

貫北斗辛巳以韓琦范仲淹龐籍爲陝西安撫

經畧招討使置司涇州初翰林學士王堯臣體

量安撫陝西歸上疏論兵因言韓琦范仲淹皆

忠義智勇不當置之散地。及葛懷敏敗死，中外震懼。帝思堯臣之言，會仲淹附王懷德入奏，乞韓琦同經畧涇原，并駐涇州。琦兼秦鳳，臣兼懷慶。涇原有警，臣與琦合秦鳳懷慶之兵犄角而進。若秦鳳環慶有警，亦可率涇原之師爲援。臣當與琦練兵選將，漸復橫山，以斷賊臂。不數年間，可期平定。願詔龐籍兼領環慶，以成首尾之勢。秦州委文彥博，慶州用滕宗諒，總之渭川一武臣足矣。帝采用其策，於是復置陝西路經畧。

安撫招討使、總四路之事、置府涇州、益屯兵三萬、以琦、仲淹、藉分領之、復以堯臣爲體量安撫使、徙彥博帥秦、宗諒帥慶、張亢帥渭州、堯臣復言琦等旣爲四路招討等使、則四路當稟節制、不當復帶使名、各置司行事、使所稟不一、於是諸路並罷經畧使、琦與仲淹在兵間久、名重一時、人心歸之、朝廷倚以爲重、二人彌令嚴明、愛撫士卒、諸羌來者、推誠撫接、咸感恩畏威、不敢輒犯邊境、人爲之謠曰、軍中有一韓、西賊聞之

心膽寒。軍中有一范。西賊聞之驚破膽。○三年春正月。詔陝西沿邊招討使韓琦。范仲淹。龐籍。凡軍期。申覆不及。皆便宜從事。用安撫使王堯臣請也。

魏公之備虜。龐公之馭衆。范公之撫夷。俱是真正經濟才。而龐公能使十萬戎兵散處城中。不敢犯法。尤見妙手。嗟乎。安得起公于九原哉。○諸臣皆極一時之選。而輟輟于朝。用之各適其長。然亦僅僅備邊使。

無犯而已。豈諸臣之才果止此乎。抑邊疆之難措手耶。○用兵日久。自知事難中制。

范仲淹請寬高延德之竄

仲淹以西賊攻塞門砦。其寨城池未備。兵甲又少。部署司不與救應。砦主高延德爲賊所擒。後放歸漢界。遂配遠方。因言漢家將卒有數人。陷在賊廷。俱是苦戰力屈。爲賊所擒。即非背叛。如朝廷貸高延德被以寬恩。仍與近邊任使。使陷蕃將卒聞之。必願吳賊歸順。望再見其家。或即

懷本朝之恩、不助賊討、如朝廷責其不效、來者
逮竄、其陷番將卒、更無歸路、必懷怨望、其中或
有助賊爲孽、其患不細、管漢中行說傳公主入
匈奴、說不欲行、怨漢、乃教單于大爲漢患、此人
情之可見、乞朝廷留意、

范公此意、終是以招來西夏爲主、故於破
撈將士、特寬一格、然力屈而擒、與背主而
叛、原不同科、

韓琦奏增土兵

韓琦與仲淹在兵間最久，名重一時，人心歸之。朝廷倚以爲重，故天下稱爲韓范。初，京師歲遣戍兵，脆懦不習勞苦，賊常輕之。目曰東軍，而土兵勁悍，善戰。琦奏增土兵以抗賊，而稍減屯戍。內實京師。又以籠竿城據衝要，乞建爲德順軍，以蔽蕭關，鳴沙河之道。又請於鄜延渭三州各以土兵三萬爲一軍，軍雖別屯，而耳目相通，爲一視虜所不備。互出擯之，破其和市，屠其種落，因以招橫山之人。度橫山藎則平夏兵素弱，必

不能支我下視與霧穴中兔耳

即此所料與霧恐未必爲穴中之兔言何
容易但軍雖別屯耳目相通爲一此乃至
筭

又處置屬羌事宜

原州屬羌明珠滅滅二族兵數萬與元昊隔絕
鄰道韓琦聞涇原欲襲討之因奏言二族道險
不可攻前日高繼嵩已嘗喪師平時猶懷反側
今討之必與賊爲表裏南入原州西擾鎮戎東

侵環州邊患未艾也。宜因元昊別路大入之際，即并兵北取細腰、蘆泉爲堡障，以斷賊路，則二族自安，不爲擾而環州鎮戎等處徑道通徹，可以忘憂矣。後二歲遂築細腰、葫蘆諸砦，屬羌歸服。

深得據勝之法。

義勇保捷之刺

慶曆二年二月，詔選河北諸州強壯者爲軍刺，手背爲義勇字，各營于其州，給以俸廩，分番訓

練不願者釋尋又刺陝西秦鳳路義勇爲保

軍捷

刺軍之法非厚糈無以易其心其心易其
命乃聽此亦不得已一權法耳然兵之衆
寡全在所用西夏之急呂許公當國增兵
四十萬及文公爲相龐公爲樞密使減陝
西保捷八萬卒未見後之弱於前也

葛懷敏之潰

二年閏九月知延州龐籍言夏境鼠食稼且旱
元昊思納款詔命知保安軍劉拯諭元昊親信

野利剛浪陵遇乞兄弟言、公方持靈夏兵、儻內
附、當以西平茅土分冊之、剛浪陵令浪埋賞乞
媚娘三人詣种世衡乞降、又使其教練使李文
貴至清澗、報世衡言用兵以來、資用困乏、情便
于和世衡與藉咸疑其詐、乃屯兵清澗、留文貴
不遣、已而元昊果大舉入寇、攻鎮戎軍王汾使
副總管葛懷敏督諸砦兵禦之、分諸將爲四路、
趨定州砦、賊毀橋斷其歸路、四面圍之、懷敏突
圍走、由是大潰、懷敏馳至長城濠路已斷、遂及

將校十四人死焉。餘軍九千人，馬六百，皆爲敵所得。元昊乘勝直抵渭川，焚蕩廬舍，屠掠民畜。自涇汾以東，皆閉壘自守。范仲淹自將慶州番潘兵援之，元昊乃還。

劉平以三萬衆禦十萬虜騎，尚斬馘以千計，力竭而陷，非奔潰也。任福好水川之戰，初亦頗獲首功，揮刃歟闔，凜然丈夫。如葛懷敏則直束手奔潰而已。呂夷簡謂一戰不及一戰信哉。

吳育議論元昊以謝契丹

契丹使來請勿納元昊朝廷未知所答禮部郎中吳育因上疏曰契丹受恩爲日已久不可納一叛羌失繼世兄弟之懽今二番自鬪鬪久不解可觀形勢乘機立功萬一過計亟納元昊臣恐契丹窺兵趙魏朝廷不得元昊毫髮之助而太行東西且有烟塵之驚矣宜使人諭元昊曰契丹汝世姻一旦自絕力屈而歸我我所疑也若無他者當順契丹如故然後許汝歸款告契

丹曰已詔元昊如能投謝轅門即聽內附若有
堅拒當爲討之如此則彼皆不能歸罪我矣於
是詔兩制出契丹書令兩制同上對不異有議
廟堂之體自合如此

劉滬議城永洛吉公二城

先是內殿崇班渭州西路巡檢劉滬建策修永
洛吉公二城陝西四路招討都署鄭戢主其事
知秦州文彥博知渭州尹洙等皆不欲修會琦
自陝西宣撫還奏請罷之又罷四路招討以戢

知永興軍、因極言築二城之利不可罷、遣滬與
著作郎董士廉依前策修之、議者紛紜不決、詔
三司副使魚周詢往視其利害、未至、洙召滬、士
廉令罷役、番部皆遮止、滬等請自備財力、卒修
二城、滬士廉亦以熟戶旣集、官物無所以付、恐
違番部之意、別致生變、遂城之、洙以滬士廉違
節度、命狄青往斬之、青囚之以聞、於是城中番
漢之民皆逃潰、生戶及亡命等爭據其地、韓琦
又言鄭戢奏乞令臣不預商量、臣常患臣僚臨

事多避形迹、或致賞罰間有差悞、因退思之、
臣在西邊、及再任宣撫、首尾五年、只在涇原秦
鳳西路、于永洛城、此事比之它人、知之甚詳、今
若隱而不言、復事形迹、則是臣偷安不忠、有悞
陛下委任之意、臣是以不避誅責、輒陳所見、利
害凡十三條、詔答與魚周詢等、及陝西都轉運
使程戩等、奏二城修之、於邊計甚便、况永洛城
今已修畢、惟女牆少許未完、棄之可惜、誠宜遂
令訖役、五月十六日、詔戩等卒成之、

千里饋糧士有飢色况越疆而城何以爲
守彥博與尹洙之見與魏公合舉事安可
草草

夏人歸石元孫

五年夏四月夏人歸石元孫諫官御史奏元孫
軍敗不歿爲國請斬于塞下以示西人賈昌朝
曰春秋晉楚戰于邲楚獲晉知瑩晉獲楚公子
穀臣既而晉歸穀臣以求知瑩楚人許之各全
其生請如故事赦之因入對又袖出魏千禁傳

于果之事亦何足法
以對曰前代將臣覆沒而還多不加罪帝乃僨
元孫編管全州子弟嘗授陣亡恩澤者並奪追
之

元孫以陣亡褒卹何面目復歸見朝廷乎
恩澤之奪何足示禦宋於是乎失刑矣

元昊之敗契丹

冬十月契丹主宗真親將騎兵十萬出金肅城
遣弟重元將騎七千出南路樞密使蕭惠將兵
六萬出北路三路濟河長驅入夏境四百里不

見敵據得勝寺南壁以待蕭惠與元昊戰於賀
蘭山北敗之元昊見契丹兵盛乃請和退師十
里請收叛黨以獻且進方物契丹主遣樞密副
使蕭革迓之而進軍次於河曲元昊親率黨領
三部以待罪契丹命革詰其納叛倍盟之故賜
之酒許其自新惠以爲大軍旣集宜加伐不可
許和契丹主猶豫未決元昊以未得成言又退
師三十里以候凡三退將百里每退必赍其地
契丹馬無所食因許和元昊乃遷延以老之度

其馬飢人疲因縱兵急攻惠營敗之乘勝攻南
壁契丹主大敗從數騎走得免元昊入樞密使
蕭孝友砮執駙馬蕭胡覲以去已而遣使歸其
先所俘獲契丹亦遣所留夏使還之契丹主遂
引兵還明朝冬間即遣人于近邊燒荒

夏人之善用兵也不獨長於制勝亦且巧
于處敗每退必楮其地此是困虜一法

元昊之亡

八年春元昊死時年四十六昊初娶遇乞從女

野利氏生甯令哥特愛之以爲太子旣而欲爲甯令哥納沒移氏爲妻見其美自娶之甯令哥憤殺元昊不歿劓其鼻而去匿訛龐家爲訛龐所殺元昊因鼻創歿時諒祚方期歲沒藏氏所生也養于母族訛龐訛龐因與三大將分治國政遣使來告哀朝廷及契丹皆遣慰奠議者請因諒祚幼弱母族專國以節鉞啖其三大將使各有所部分以披其勢可以得志陝西安撫使程琳曰幸人之喪非所以柔遠人不如因而撫

之帝乃遣使冊諒祚爲夏國主議者深惜朝廷之失機會

吳之才畧亦夷狄之雄也乃以自亡其身豈天故祚宋而奪之魄乎○非宋處置西事之失其最大者在元昊未請而西平之封以見輕戎狄元昊旣歿而諒祚之冊以坐失事機夫古之所謂柔遠者以其爲不侵不叛之臣耳未有虐制我人民焚蕩我邊疆震驚我宗社而尚以煦煦之恩存立

其遺孽者。即三勁將分治國政。未必遽爾
覆巢破卵。然一番除克雪耻。亦足少弭百
餘年飲泣洒血之憤。而程琳之議此。真迂
儒頭巾語也。讀之歛卷太息。

宋西事案卷之一